

# ادبیات عمومی و سیاسی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۴ ربیع‌الآخر ۱۳۳۵ جمعه ایرتسی ۴ شباط ۱۳۳۲ نومرو ۱۶

## فاتح عصرنده اندرون هایون تشکیلاتی

جنتمکان فاتح سلطان محمد خان حضرتلری قسطنطنیه فتح جلیلی موفقیتنی استحصال ایتدکدن بر مدت صکره ، ذات شاهانه‌لرینه و پادشاهان عظام حضراتنه مقر سلطنت اولق اوزره آیاصوفیه ایله سرای برونی آره‌سنده قره جهتی عظیم سور ایله احاطه ایدیلرک وجوده کتوریلان بی نظیر ساحه دلکشاده انشا ایتدیردکلری یکی سرایک بر قسیمی ، حریم سلطنت یعنی موقع تعظیم و حرمت اولدینی ایچون اندرون — حرم نام محترمی ایله یاد اولنمشدر .

اندرونه مدخل ، سرای ملوکانه‌ک، باب هایون و باب السلام و باب السعاده ناملریله یاد ایدیلان سلطنت قاپولرینک اوچنجیسی بولنان باب السعاده‌در . بو قاپو داخلنده پادشاهلر حضراتنک آراملرینه مخصوص عالی قصرلر ، اندرونلیرک اسکانه مخصوص معتنا دائره‌لر ، کتبخانه‌لر ، جامعشریفلر ، تعلیمخانه‌لر ، مشقخانه‌لر انشا ایدلنمشدر .

اندرون خدمات عاصمه‌سنده بولنانلرک رکن اولی و آمری سرای داخل و خارجنده خدمت کورن سرای خلقنکده مرجعی اولان باب السعاده اغاسی « قاپو اغاسی » ایدی . قاپو آغالنی وظائف مهمه و معتناسنه سلطنت نکهبانلغی‌ده داخل اولدیغندن آغا ، سفرده و حضرده و جامع شریفه عزیمت و عودتده معیت شاهانه‌دن دور اولز ، یالکز صیدوشکار و تفریح زمانلرنده حفظ وصیانت وظیفه‌سیله مکلف اولق اوزره سرایده قالور ایدی . اندرونده برداثرده اقامت ایتک امتیازی قاپو اغالرینه منحصر ایدی .

اندرون ارکانی قاپو اغاسنک امرلرینی مطاوعت کامله ایله تلقی ایدرک اجرا ایتسی قانون ایجابی ایدی .

بیوک اوطه‌یه منسوب اندرونلیردن اناختاره ، پشکیره و شربته متعلق و بوکا مماثل خدماتی ایفا ایتک اوزره معیتنده درت ایچ اغاسی استخدام ایدر ایدی .

بو حق استخدام ، وظائفی آتیده کوستریله‌جک دیگر اوچ سرای ارکانه‌ده بخش اولنمش ایدی ؛ خزینه‌دار باشی خزینه قغوشندن ، کیلارجی باشی کیلاردن ، سرای اغاسی بیوک اوطه‌لیلر قغوشندن خدمتکار آلور ایدی .

# ادبیات عمومی و تجربی

هفته‌لق سیاسی ، ادبی و علمی غزته‌در .

جلد : ۱

سنه : ۱ ۲۴ ربیع‌الآخر ۱۳۳۵ جمعه ایرتسی ۴ شباط ۱۳۳۲ نومرو ۱۶

## فاتح عصرنده اندرون هایون تشکیلاتی

جنتمکان فاتح سلطان محمد خان حضرتلری قسطنطنیه فتح جلیلی موفقیتنی استحصال ایتدکدن بر مدت صکره ، ذات شاهانه‌لرینه و پادشاهان عظام حضراتنه مقر سلطنت اولق اوزره آیاصوفیه ایله سرای برونی آره‌سنده قره جهتی عظیم سور ایله احاطه ایدیلرک وجوده کتوریلان بی نظیر ساحه دلکشاده انشا ایتدیردکلی یکی سرائیک برقمسی ، حریم سلطنت یعنی موقع تعظیم و حرمت اولدینی ایچون اندرون — حرم نام محترمی ایله یاد اولنمشدر .

اندرونه مدخل ، سرای ملوکانه‌ک، باب هایون و باب‌السلام و باب‌السعاده ناملریله یاد ایدیلان سلطنت قاپولرینک اوچنجیسی بولنان باب‌السعاده‌در . بو قاپو داخلنده پادشاهلر حضراتنک آراملرینه مخصوص عالی قصرلر ، اندرونلیرک اسکانه مخصوص معتنا دائره‌لر ، کتبخانه‌لر ، جامع‌شریفلر ، تعلیم‌خانه‌لر ، مشق‌خانه‌لر انشا ایدلنمشدر .

اندرون خدمات عاصمه‌سنده بولنانلرک رکن اولی و آمری سرای داخل و خارجنده خدمت کورن سرای خلقنکده مرجعی اولان باب‌السعاده اغاسی « قاپو اغاسی » ایدی . قاپو آغالی وظائف مهمه و معتنا‌سنه سلطنت نکهبانلغی‌ده داخل اولدیغندن آغا ، سفرده و حضرده و جامع شریفه عزیمت و عودتده معیت شاهانه‌دن دور اولز ، یالکیز صیدوشکار و تفریح زمانلرنده حفظ وصیانت وظیفه‌سیله مکلف اولق اوزره سرایده قالدور ایدی . اندرونده بردائره‌ده اقامت ایتک امتیازی قاپو اغالرینه منحصر ایدی .

اندرون ارکانی قاپو اغاسنک امرلرینی مطاوعت کامله ایله تلقی ایدرک اجرا ایتسی قانون ایجابی ایدی .

بیوک اوطه‌یه منسوب اندرونلیردن اناختاره ، پشکیره و شربته متعلق و بوکا مماثل خدماتی ایفا ایتک اوزره معیتنده درت ایچ اغاسی استخدام ایدر ایدی .

بو حق استخدام ، وظائفی آتیده کوستریله‌جک دیگر اوچ سرای ارکانه‌ده بخش اولنمش ایدی ؛ خزینه‌دار باشی خزینه قغوشندن ، کیلارجی باشی کیلاردن ، سرای اغاسی بیوک اوطه‌لیلر قغوشندن خدمتکار آلور ایدی .

قاپو اغاسنك معاشی وعائدتانی جمله ارکاندن زیاده ایدی . ایام رسمیهده سراسره پلو سمور كورك كیپردی . [۱]

اندرونك ركن ثانسی، سفرده حضرده نزد هاپونده مهیای خدمت و خزینه هاپون اموریله مشغول بولنان خزینه دار باشی ایدی .

ذات حضرت شهریاریه مخصوص دستارایله سجاده خزینه دار باشینك ید حفظنده بولنور؛ جمعه كونلری تشریف شاهانه دن مقدم جامع شریفه <sup>مُجَوَّزَه</sup> ایله «برنوع صاریقلی کلاه» کیدوب سجاده پادشاهی بی محل مخصوصه فرش ایدر، وبر خیانت وقوعنه مانع اولق اوزره سجده محله ابتدا کندوسی یوز سوره رك معاینه ایلر ایدی .

خزینه قغوشنده بولنان اندرونلیره ضابطلك وسرايك ملبوسات و مفروشانه عائد اشیا سنی تدارك وسرای ایشلریله خارجه اشتغال ایدن اهل حرف و صنایعه نظارت وبونلك معاشلرینی واجرتلرینی تسویه ایتك بو اغایه عائدی . معاشی و تخصیصات سائره سی قاپو اغالنی مخصصاتندن جزئیجه فرقلی ایدی .

اندرونك ركن ثانی، کیلارجی باشی ایدی . کیلار هاپون مستخدمینی کیلارجی باشی زیر دستنده بولنور وبونلك عزل ونصب وترفعلرینی حضور هاپونه عرض ایدر ایدی .

ذات حضرت پادشاهییه مخصوص اوله رق احضار اولنان طعاملك طعمه باقق و بو طعاملك اتشای نقلده طلبه نك اوكنه دوشوب خلوت خاصه قدر ایصال ایتك و خدمت اتشاسنده بلنده كمری، مرصع بیچاغی وخنچری واوكنده ابریشیم پشمالی والتدیسك ومبخر مفرمه لری بولنق و طعامی سفره یه کندوسی وضع ایتك وامثالی تقریبی موجب خدمت لری كورمك وکیلار لوازمی وقت وزمانیله تدارك ایتك وظائفی ایله مكلف ایدی . بو خدمت لری ایفاده اهالی كوریلورسه در حال معاتب ومعزول ویا مخذول ، مقتول اولور ایدی .

اندرونك ركن رابی، سرای محافظی و بیوك وكوچك اوطه یه منسوب اندرونلیرك استاد و صربسی اولان سرای افاسی ایدی .

سرای اغاسنك اصلرینی اجرایه مهیا قرق نفر آقا معیتنده بولنور ایدی . سرايك محافظه انتظامنه ومعموریتنه ولایم تعمیر محللك ایجاباتنه بلا فاته زمان باقی و ذات حضرت پادشاهینك سفره عزیمت لرنده اندرونك سابق الدكر ارکان ثلثه سی حسب القانون معیت شاهانه ده بولنه جق لرندن یواغانك سرایده قالب امر محافظه یه اعتنا ایلسی وظیفه اصلیه سی ایدی . اندرونك ارکان اربعه سالف الدكری آقا غالردن تسلسل قاعده سنه توفیقاً قدمه واهلیته كوره تعیین اولنور ایدی .

بورایه قدر ذكر اولنان و آقا غالردن تعیین ایدیلان ارکاندن غیری اندرونده برده اخص ارکان بندكان اوله رق برصنف ممتاز وار ایدی . بو اركانك اولی ، ذات شاهانه بی کیدیروب صویغه مأمور و ذات حضرت پادشاهییه ارکان خاصه سائره دن زیاده مقرب و قرق نفر دن عبارت و نزد هاپونده خدمت ایفاسیله مكلف خاص اوطه لیرك آمری اولان اوطه باشی در . بوممتاز اركانك ثانسی سلحدار ، ثالثی چوقه دار ، رابی ركابدار ایدی .

[۱] قاپو اغالرینك بوتشکیلاتده کوستریلن آمرلكی ونفوذی حبشی حرم افالردن دارالسعاده

اغاسی تعیینی تاریخ اولان ۹۹۰ سنه سنه قدر دوام ایتشد .

اوطه باشی ، قاپو اغاسی پایه سنده ایسه ده امر اعتباری اوله رق ینه اغانک تحت امرنده ایدی . معاشی و سنوی عائداتی قاپو اغالی مخصوصاته متقارب اولوب مستثنای اوله رق هر سنه بش قات جامه خاصه شاهانه یه نائل اولور ایدی .

سلحدار ، معیت هایونده بولنه رق سیف شاهانه یی دائماً دست احترامنده طوتار ، رکاب هایون زمانلرنده ذات حضرت پادشاهینک صاغ طرفلرنده زلفلی [۱] اسکوف پوش اوله رق یورور ایدی . معاش و سنوی مخصوصاتی اوطه باشی عائداتندن پک جزئی فرقلی ایدی . چوقه دار ، خدمتی ذات شاهانه نک خاص یا غمور لقلرینی دوش احترامنده اوله رق نقل ایتک ایدی . معاشی ایله عائداتی سلحدارک عینی ایدی .

رکابدار ، خدمتی رکاب هایون اغالری [۲] حاضر اولقسنزین خصوصی اجرا اولنان تزه لرده رکاب هایونی طوتمق ایدی . معاشی ایله عائداتی چوقه دارک عینی ایدی . صید و شکارده ارکان سائرده دن زیاده نزد شاهانه یه قریب اولوب کرک اندرونده و کرک بیرونده بولنان باز دارلرک آمری اولان طوغانچی باشی ایله خاص باغچه لرده و بوستانلرده خدمت ایدن باغبان و بوستانچیلرک آمری بولنان و ذات شاهانه نک را کب اولدینی قایغک دومقنی طوتان بوستانچی باشی ده اندرونک ایکنجی درجه ده ارکانندن صاییلور ایدی .

قاپو اغاسی ، اوطه باشی ، خزینه دار باشی ، کیلارجی باشی ، سرای اغاسی طوغریدن طوغری به حضور هایونه معروضاتده بولمغه مأذون ایسه ده قاپو اغاسی ایله اوطه باشی نک عرضلری استعسان اولنور ایدی . [۳] ایچ خلقتدن قاپو اغاسی ، اوطه باشی ، خزینه دار باشی ، کیلارجی باشی ، و سرای عامره نک اغاسی صاحب عرضدراما قاپو اغاسی اولان اختیار باشدر اکثریا اوطه باشی و قاپو اغاسی عرض ایتک کرکدر . ایچ اغالری ، اندرونده خاص و خزینه و بیوک و کوچک ناملریله یادایدیلان اوطه لرده « قغوشلرده » ساکن اولور ایدی . [۴]

[۱] سیاه ابریشم دن یا پلورقولاقلرک اوکندن صدرک نه ایتنه قدر صاغلی صوللی براقیلور صاچ تقلیدیدر . [۲] میرعلم ، قاپوچی باشیلر ، میرآخورلر ، چاشنکیرباشی ، چاقرجی باشی ، شاهنجی باشی دره . [۳] « قانوننامه آل عثمان » تاریخ انجمنی مجموعه سیله نشر اولمشدر .

[۴] خاص اوطه لیلرک قغوشی ، سابقلرده پادشاهلر خضراتنک آرام بیورمش ومؤخرأ رداء سعادت ایله امانات جلیله سائرده نک حفظنه تخصیص قلنمش اولان دائرة جلیله نک تحتنده ، خزینه و بیوک اوطه لیلرک قغوشی اندرونک سرای برونی جهتنه ناظر ضلعنده ، کوچک اوطه لیلرک قغوشی خزینه هایونک اتصالنده انشا اولنمش ایدی . دائرة مبارکه نک تحتنده کی خاص اوطه لیلرک قغوشی زمان حاضرده متروک و غیر مسکوندر . خاص اوطه لیلرک الیوم رداء سعادت دائرة فاخره سی اتصالنه سلطان صراد رابع حضرتلری طرفندن انشا ایدیلوب موجود اولان قغوشده اقامت ایدرلر . خاص اوطه لیلرک وقتیه ساکن اولدقلری متروک قغوشده دائرة هایونه چیقیلان یرده نردبان موجود ایسه ده بو نردبان دن دائرة هایونه آچیلان قاپو مسدوددر . نردبانک اوست باشنده و مسدود قاپویه قریب محله دیوارده کی صیوا اوزرینه تیمور اوجیه حک اولنمش عبارة آتیه موجوددر :

امر پادشاهی

واودا باشی امریله بو قاپوی کل احمد قاپادی

تاریخ

خاص اوطه لیلر اوطه باشی، خزینه لیلر خزینه دار باشی، بیوک و کوچک اوطه لیلر سرای اغاسی تحت ضبط وربطنده ایدی.

دائرة خلیله تحتده کی متروک خاص اوطه نك اوکنه بغداد قصری انشا و برجیت نجره لری سد اولنه رق هوا و ضیادن محروم ایدلش ایسه ده امر انشاسنده کوستریلان تقید و اهتمام نتیجه سی اوله رق الیوم ایچنده نه رطوبت و نه اثر خرابی کورلما مکده و خلاف مأمول دیوار لرنده کی صیوالرده یقین زمانده یاپیلدیغنه دلالت ایدر آثار صلابت مشهود اولمده در. خزینه لیلرک قغوشی الیوم موقع سابقنده در. بیوک اوطه لیلرک قغوشی یرنده خزینه کتخدانی و کوچک اوطه لیلرک محله ده سفرلی قغوشی موجود در. کتخدالر یعنی اوطه ده کیلرک اک قدملیسی سابقلرده ضابط داخلی ایدی « صکره لری داخلی ضابطلک خاص اوطه ده دلبد اغاسنه، خزینه ایله سفرلی ده کیم باشی یه، کیلارده پیشکیر اغاسنه انتقال ایتشدیر »

هر قغوشک اون بر قدملیسنه ییچاقلی اسکی و بونلرک آلت طرفنده بولنان طقوز قدملی یه صویونق اسکی و بو یکریمی اسکینک اک قدملیسنه خاص اوطه یه ترفیعاً نقله مهیا بر حالده اولدینی ایچون کوچ اسکینی دینلور ایدی.

بونلر قغوشلرده جامکان تعبیر اولنان مفهوز محللرده استراحت ایدرلر؛ قغوشلرده ایکنجی درجه ده ضابط داخلی، نوبجی باشی ایله جماجی لالادر.

بونلرده یوقاریده بحثی کچن ییچاقلی و صویونق اسکیلرک صاحب اهلیت اولانلرندن انتخاب اولنور ایدی. قدملیلرک محل استراحتی جامکانلر اولدینی کی بونلردن صکره کلان ایچ اغارک محل اجتماع و آراملری؛ اوطه لری داخلنده بولنان چشمه حولیسی بر « اجتماع صالونی » در. چشمه حولیسی نوبجی باشیلرک تحت نظارتنده بولنور. جماجی لالا، قغوشک و سائر محللرک نظافت و طهارتندن مسئول اولور ایدی.

خاص اوطه قغوشنده اوطه باشی، سلحدار و چوقه دار و رکابدار داخل اولدینی حالده قرق نفر زلفی خاص اوطه لی بولنور ایدی. بوقغوش خزینه لیلر ایله بیوک و کوچک اوطه لیلر قغوشنده بولنان اندرونلیرک قدملیلرندن تشککل ایدر. خاص اوطه لیلردن بری ترفیع [۱] ویا دیگر صورتله سرای خارجه چیقدینی وقت یرینه مذکور قغوشلرده بولنان اندرونلیرک اک قدملیسی آلنور ایدی. خاص اوطه لیلر طوغریدن طوغری یه خدمت پادشاهی بی ایفا ایدن بندکان اولدیلرندن مقربیندن ایدیلر [۲]. سراسر [۳]، طولامه، و مجوه رلی خنجر و ییچاق طاقارلر، چاتمه قطیفه اوست تلبس ایدرلر و بللرینه کمر باغلارلر، باشلرینه اسکوف کیرلر و زلف طاقارلر؛ اسکیلرینه یعنی رکابداردن صکره کلان اغایه دلبد اغاسی دیرلر ایدی.

[۱] وزیر اعظمیق، قبودان پاشا لقی، یکچیری اغالقی، قاپوجی باشلیق و میر آخورلک کی مقاملره و ایالت والیکلرینه و سنجاق بکلکلیرینه و بونلره معادل (مأموریتلره) نصب و تعیین اولنورلر ایدی.

[۲] سلطان سلیم اول حضرتلری عصر عالیندنبرو رداء سعادت خدمت مبعله سنی ده خاص اوطه لیلر ایفا ایدرلر.

[۳] صیرمه ایله ایشلمش بر نوع قماش.

بونلرک معاشلری ، سنوی عائداتلری اولدینی کی کیدکلری سراسر وقطیفه وقوشاندقلری  
 کمر وسائر ملبوساتی سرایدن ویریلور ، طعاملری مطبخ خاصدن اعطا اولنور ایدی .  
 خزینه اوطه سنده « قغوشنده » آتمشدن اکسیک اولماق اوزره زلفلی اوسکوف پوش  
 اندرونلی وار ایدی . خزینه هایونه متعلق خدماتی ایفا ایدرلر ایدی . آمرلری خزینه دار باشی در .  
 بونلرده منقش قطیفه وچآعه دن البسه کیرلر ، بللرینه تللی کمر باغلارلر ایدی .  
 بیوک و کوچک اوطه لیلرک قغوشلری تالی درجه ده برر دارالتربیه والتحصیل اولدیغندن  
 موجودلری دیگر قغوشلردن زیاده ایدی .

خزینهلر و بیوک و کوچوک اوطه لیلرک قغوشلرنده سکز سنه قدر تحصیل وتربیه کورملری  
 مشروط ایدی . بومدتق وتحصیل وتربیه یی ا کمال ایتیانلر وبابایکیتلک چاغنه واصل اولیانلر خاص  
 اوطه لیلر میاننه نقل اولمز ودیکر صورتله ترقی وتلطیفه نائل اولزدی .  
 بیوک و کوچک اوطه یه منسوب اولنلرک البسه وسائر عائداتی خزینه لیلرک عینی ایسه ده باشلرینه  
 اسکوف کییمیوب زردوز تاقیه کیرلر ایدی .

آق اغالر ایله کیلار خاصه لیلر ، جوجه لر ، دلسزلر ، زلفلی صاری کلاهلی بالته جیلرده اندرونلی  
 عد اولنوردی . آق اغالرک بر قسمی باب السعاده ده بولنور ودائما صاریق صارارلر ، دیوان کونلرنده  
 هجوزه کیرلر ایدی . سرای اغالنی انحلال ایلا کده یرینه ایچلرنده کتخدا بولنان تعین اولنور ایدی .  
 کیلار خاصه موجودی اوتوز قدر ایدی . بونلرک معاشی وعائداتلری خزینه لیلره مهائل ایدی .  
 قدمیلری پیشکیر باشی ، موم باشی ، پیشکیر شا کردی اولوردی . خاص اوطه لی وخزینهلر کی  
 باشلرینه اوسکوف کیرلر ، البسلری سنه ده دیگر اندرونلیردن برر قات زیاده ایدی .  
 آق اغالرک بر قسمی ایله جوجه لر ، دلسزلر قغوشلرده اندرونلیرله برابر اقامت ایدرلر ایدی .  
 خزینه لیلرک و بیوک و کوچک اوطه لیلرک قغوشلرینه شا کرداوله رق اسرا ودیوشیرمه نلک متناسب  
 الاندام وصاحب استعداد اولنلری ادخال اولنوردی .

بوشا کردان کیدرک مناصب معتبره احراز ایدوب دولتک ومملکتک حیات سیاسی واجتماعیه سنده  
 بر عضو مهم بولنه جقلرندن اندرونه حین ادخاللرنده سیالری قاپو اغاسی حضورنده علم قیافته آشنا  
 بر ذاته تدقیق ایتدیریلور وجیننده سعادت ومیمنت مشهود اولنلری قبول اولنور ایدی . یوزلرنده  
 علامات شرت وفساد کوریلنلری رد ایدیلور ایدی .

اندرونه ادخال اولونان هر عجمی شا کرد اوجاق دفترینه قید اولندقدن ومعاشی وعائدات  
 وسائرهمسی امثاله کوره تخصیص ایدلکدن صکره داخل اولدینی قغوشده مرهیلک وظیفه سنی ایفا  
 ایتکده اولان آق اغالردن برینک الی اوپدیریلرک تحت تربیه سنه تودیع اولنوردی . بوآندن اعتباراً  
 عجمینک مرهینسی قغوشده سنأ وعلماً ایلروده اولنلرک اللرینی اوپدیروب رسم مطاوعتکاری اجرا  
 ایتدیرردی . مناسبت دوشدکجه اندرون ضابطلرینی اراثه ایدرک ومنصب ومرته لرینی تعریف ایدرک  
 بونلرک مأموریت ودرجه اعتبار وحیثیتلرینه کوره خقلرنده ایفاسی لازم کلان حرمت ورعایتی تعلیم  
 ایدردی .

اتباعی مجبوری اندرون قوانین واصولیه برابر خدمت ملوکه شایان شعار وآداب مستمرا عجمی یه  
 تلقین اولنوردی .

اندرونده وظائفک اقدامی علوم دینی تحصیل اولوب هرشا کرد عقائد دینی و فرائض اسلامی یه

دائر معلوماتی و تربیة اسلامه و عادات عثمانیه دائره سنده حسن معاشرت و الفتہ متعلق اصول و آداب، او کرمکله مکلف ایدی .

ابتدائی تحصیلرینی قغوشلرده بولنان صربی و خلیفه لری « مذا کره جی » تحت تعلیمنده ا کاله ایدن عجمیلرک سویه عرفانلری ، مرتبه تحصیللری یوکسلدک اوزره معین اوقاتده درس خانه لرده اثبات وجود ایدن سرای خواجه لرندن علوم و فنون حاضرینی دخی ترتیب موضوعی اوزره تدریس و تعلم ایدرلر ایدی . ایام مخصوصه ده جندیلک ، کاشکاشک و جریذبازلک و بونلره عائد ادمانلری و ملکه و مهارتلری اکتساب اتمکله وقت کچیرلر ایدی .

فاخ حضرتلری بوتشکیلات ایله و اخلاف جلادت اتصافی تشکیلات واقعینی ادامه ایله تعقیب ایلدکلری علوی غایه ، وطنک سلامت حال و استقبالی ایچون علم ، فضیلت و بسالت ایله متعلی ارکان و رجال یتشدیرمک اولدینی تاریخ ایله ، وقایع ایله ، ثابت اولسنه کوره ، اندرون اعصار سابقه نک مکتب حربیه و ملکیه سی حکمنده ایدی .

مافظ محمد رفیع

### ابن موسی دن ؟

شب مهتاب خنده ملکوت ،  
اختران ، سامعین بزم سکوت .  
خواب راحتده کوه راحه زان ،  
بادزن بر نسیم روح افزا .

\* \* \*  
بو سکوة ، آخرت سرود یتیدر ؟  
یا اونک مرده و رودی میدر ؟  
چارپور قلبه ، قلب پرخلجان !  
جنمی یارب ، نه در او آفت جان ؟  
بگیا بردن عجب نه حال اولدی ؟  
آه واه ایتماک محال اولدی !  
آه او گوزلر ، اوقانلی مشعله لر ،  
هانگی نیردن اخذ نور ایلر ؟  
گه یشیل گه سیاه و گه ماوی .  
اونه مبهم جمال سوداوی ! . .  
دها قورتلدم بو میدانده :  
صانکه روجم شو آنده زندانده !  
منحصر قالدی مشغله م عشقه  
حوصله م برشی آلیور بشقه !  
نده جانسوز ایش او جسم اثیر ،  
اولز آتشدن او یله بر تأثیر !